

Von allerley Zufäll dieses Fiebers / als erstlich von der  
 Zobsucht vnd Wehtag des Haupts  
 vnd Hirns.

## CAP. IX.

Sympto-  
n. ata.Patho-  
gnomoni-  
ca.

Critica.

Als ich nun auch kürzlich dieses miscellanischen Fiebers Zu-  
 fall vnd Beymängel / so viel mir zu handten gestanden / wie sie  
 zu mildern vnd zu wenden / vermeldte / vnd diser seynd zweyerley.  
 Etlich pathognomica, die sich mit der Kranckheit anfahren / vnd mö-  
 gen nicht wol von derselben gescheiden seyn / vnd selbst der morbus.  
 Die ander seynd Critica, die nach etlichen Tagen von der Natur / so  
 der morbus zu oder abnimbt / zu gutem oder bösem sich begeben / vnd  
 diese alle beyde nach Art vnd Eigenschafft des contagii vnd der mem-  
 brorum principalium oder anderer Glieder / darinnen sie erscheinen.  
 Vnd wie oben gemeldt / daß dieser symptomata mancherley in man-  
 cherley Orten des Leibs sich begeben. Dieweil aber am meisten sich  
 entzündungen begeben / wie Erysiplata, Loch  $\Delta$  oder herpetes mili-  
 ares, so sollen sie am meisten nach demselben Proceß / als sonderliche  
 Beymängel curirt werden / wie dann endlich an ein jeden Ort solchs  
 soll verstanden vnd gelehrt werden.

Haupt-  
o-  
der Hirn-  
wehe in  
dieser  
Kranck-  
heit.

Phrenitis.

So seynd nun erstlich 2. hefftige grausame Kopff- oder Hirn-  
 wehe / vnd Verlesung der Vernunft / vnd vff diese 2. Mängel muß  
 man sonderlich groß achtung geben.

Der erst ist phrenitische art / auß grosser Hitze vnd entzündung des  
 Hirnfellin / nach art ihres  $\text{F}$  ischen vnd  $\text{O}$  ischen Giffts vnd Erysi-  
 pelation des Hirns.

Diese wüten / toben hefftig / offft lachen sie / offft seynde sie zornig /  
 schlagen / verhalten sich / als wann sie besessen weren / wie ein Blut / vns  
 der den Augen / klagen vast das stecken im Haupte / vnd die Augen / vnd  
 ist dolor pungitivus hie hefftig / begehren / man soll ihn die Häupter  
 starck einbinden / Raiff drumschlagen / vnd haben hefftig Durst vnd  
 dorre der Zungen. Vnd hie muß man wol vff den aphorismum  
 Hippoc. merken: Desipientia, quæ cum risu fiunt, securiores;  
 quæ verò cum studio, periculosiores; Omnium periculosissi-  
 ma, quæ sunt temeraria. Das ist / die Unsinnigkeit / die mit La-  
 chen